

## **A E tèt(prueba) di fe.**

- ❖ Dios nunca a pidi sakrifisionan humano (Jeremias. 7:31). Ademas, sakrifikando Isaak a bai kontra di e promesa: “ pasombra dor di Isaak bo desendientenan lo wòrdu kontá.” (Genesis. 21:12) Abraham a malkomprendé Dios Su òrdu (Genesis 22:2)?
- ❖ Dios tabata pone Abraham na prueba. Su kurason tabata wòrdu huzgá (Deuteronomio 8:2). E resultado tabata satisfaktorio (Genesis 22:12)

## **B E kumplimentu di e promesa.**

- ❖ Isaak a nota ku no tabatin ningun animal pa sakrifika. Abraham a evitá su preguntanan dor si deklará ku Dios lo proveé pa unu.
- ❖ Enberdat, Dios a proveé pa e animal pa e ofrenda kimá. E animal ei a muri na lugá di Isaak (Genesis 22:13). Dios a konfirmá e kumplimentu di e promesa di e manera aki (Genesis 22:18).
- ❖ Dios a proveé. Hesus ta e Lamchi Kende a muri asina ku nos por biba (Juan 1:36; Romanonan 5:8; 6:8).

## **C Tumando poseshon di e tera.**

- ❖ Abraham “ a alkansá e edat di shen i binti aña ” (E.G.W., PP 147) ora ku Dios a pidié pa sakrifiká Isaak. Pesei, Isaak tabatin 20 aña, i Sarah tabatin 110 aña.
- ❖ 17 aña mas despues, Sarah a muri (Genesis. 23:1). E tabata e úniko muhé den e Tèstament Bieu kende su edat ta wòrdu menshoná ora ku el a fayesé. E tabata tambe e promé muhé pa drenta e tera primintí.
- ❖ Despues di a negoshá ku Efron, Abraham a kumpra e promé pida tereno ku é lo por yama su propiedat na Kanaan (Genesis 23:17-18).

## **D Sigurando e simia.**

- ❖ Abraham a traha plannan pa buska un esposa pa Isaak pa sigurá su desendientenan (Genesis 24:1-4).
- ❖ Tin dos punto remarkabel den e historia aki: orashon [esun di Abraham, di Eliezer, di Isaak], i konfiando ku Dios tabata den kontrol di e proseso.
- ❖ Sinembargo, Dios a laga Rebeka skohe pa su mes (Genesis 24:8, 50-51, 57-59).

## **E Mas desendientenan for di Abraham.**

- ❖ Abraham a biba pa 175 aña (Genesis. 25:7). Ademas di Isaak, é tabatin un yiu hòmber ku Hagar (Genesis. 25:12), i otro seis ku Keturá (Genesis 25:1-2).
- ❖ Abraham a manda e shete yiunan hòmber di su konkubinanai bai leu aya, pasombra solamente Isaak por heredá e tera primintí (Genesis 25:6).
- ❖ Tin dos evento genealógiko kòrtiku den Genesis 25:2-4 i 12-18 kual ta enfatisá ku e promesa na Abraham a wòrdu kumplí : “ i lo bo ta un tata di hopi nashonnan.” (Genesis 17:4)
- ❖ Señor a keda berdadero na Su promesanan di gracia na Su sirbidó fiel Abraham, kende su fe ta mustrá den Skritura komo un gran ehèmpel di salbashon pa medio di fe.